



Inatsisartuni ilaasortaq, Emanuel Nūko, Partii Naleraq

**Inissianut akinik appaanisaaq pillugu § 37 naapertorlugu apeqquteqaammut
2018-112-imut akissut**

20-07-2018
Suliaq nr.: 2018 - 13183
Allakkap nr. 31670543

Asasara Emanuel Nūko

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Inatsisartut suleriaasianni § 37 naapertorlugu apeqquteqaatinut nassiuussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Apeqqut inissianut attartortittakkanut pisortanit pigineqartunut tamanut tunngasuummat, matumani ilisimatitsissutigineqarsinnaavoq Namminersorlutik Oqartussat taamaallaat Namminersorlutik Oqartussat inissiaataannut tunngasunik paasissutissiisinaammat, tassalu kommuninit pigineqartunut paasissutissiisinaanani.

Apeqqut 1: Kalaallit Nunaata sineriaani illut/inissiat pisortanit pigineqarlutik inuinnarnik attartorneqartut qanoq amerlatigippat?

Akissut: INI A/S-imit ilisimatitsissutigineqarpoq, Namminersorlutik Oqartussat maannarpiaq inissianik attartortittakkanik 5.900-t missaanniittunik pigisaqartut.

Apeqqut 2: Kalaallit Nunaata sineriaani illut/inissiat ukiut qulit ingerlaneranni qanoq annertutigisumik akimikkut qaffariaateqarsimappat?

Akissut: Inatsisartut suleriaasianni § 37, imm. 1-imi allassimavoq, ilaasortat pisortat susassaqarfisaannut paasissutissarnik pissarserusukkunik tamanna Naalakkersuisunut apeqquteqaateqarnikkut pisinnaasoq. Aamma tassani allassimavoq, apeqqut naatsuussasoq aalajangersimasumullu tunngasuussasoq, aammalu tunngavilersuummik ilaqartinneqassasoq.

Apeqqut 2 aamma 3 ukiut qulit, aaqqissuussaaneermik aammalu najugaqarfiiit katitigaaneriniq allannguiffiusimasut, aammalu tunngavissat arlalissuit peqqutaallutik ineqarnermut akiliutit ineriartoreriniq atorsinnaasumik takussutissiinissamut ajornakusoortitsiviusut ingerlanerini ineqarnermut akiliutip qaffasissusaannik misissuilluarnissamut pisariaqartitsiviupput.

Taamaattumik apeqqutit akineqassappata, nassuiaasiornisaaq misissueqqissaarnissarlu pisariaqartussaavoq. Taamaattumik § 37, imm. 2 naapertorlugu nalunaarutigissavara, Naalakkersuisut apeqqut 2-mut aamma 3-mut akissuteqarsinnaanatik isumaqarmata.

Tassunga tunngatillugu ilisimatitsissutigissavara, Namminersorlutik Oqartussat inissiaataasa kommuninut tunniunneqarnissaannik naatsorsuutigisaqarnermut

ilagitillugu 2018-imi ukiakkut tamatumunnga piareersaatissat aallartinneqarnissaat naatsorsuutigineqarmat, tassungalu atatillugu misissueqqissaarnermik, apeqqut 2-mut aamma 3-mut akissutaasinnaasunik suliaqartoqassaaq.

Apeqqut 3: Illoqarfinni ineriartorfiunerpaani Ilulissat, Sisimiut, Nuuk aamma Qaqortoq illut/inissiat akimikkut ukiut qulit ingerlaneranni qanoq qaffariaateqarsimappat?

Akissut: Apeqqut 2-mut akissut takuuk.

Apeqqut 4: Kalaallit Nunaata sineriaani illut/inissiat inuinnarnik attartorneqartut akimikkut qaffariaataat sumut siunertamut atugassanngorlugit aningaasaliissutaanikkuppat?

Akissut: Inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 28-mi allassimavoq: *"Namminersornerullutik Oqartussat kommunellu ilaqutariinnut arlalinnut illuutaanni najugaqatigiiffimmi inissianik attartortitsinermit isertitat tamakkiisut sukkulluunniit annertussusilerneqarnerini, najugaqatigiiffiup aningaasartuutit tamanik akiliisinnaanissaa periarfissinneqassaaq, matumani ilanngullugit aningaasaliissutit iluanaarutit illumik piginnittumut akiliutit aningaasartuutit, tak. § 31, aamma ingerlatsinermit atatillugu aningaasartuutit, matumani ilanngullugit allaffissornikkut aqutsinermit akiliutit, tak. § 32, imm. 1-6, aserorterisarnermik pinaveersaartitsinermit akiliutit, tak. § 32, imm. 7, aamma akiliutissatut illuartitallu aalajangikkat."*

Tassalu inissianik attartortitsisarneq pillugu Inatsisartut peqqussutaanni allassimavoq, inissiarsum pisortanit pigineqartuni ineqarnermit akiliutit aalajangersarneqarnerini isertitat aningaasartuutit amerlaqatigissagaat. Inissiamik piginnittup nammineerluni aningaasatigut iluanaarutissai illup sananeqarnerani aningaasartuutit 1,5%-iinut aalajangerneqartarput.

Apeqqut 5. Kalaallit Nunaata sineriaani illut/inissiat pisortanit pigineqartut qassit aserfallatsaalisassanngorlugit aningaasaliiffigineqarsimappat.

Akissut: Taakku najugaqarfii ataasiakkaat missingersuutaanni, INI A/S-ip nittartagaani www.ini.gl-imi pissarsiarineqarsinnaasuni allassimapput.

Apeqqut 6. Ukiumut 2017 – 2018 aserfallatsaaliinermut qanoq aningaasat amerlatigisut illikartinneqarnikuuppat?

Akissut: Najugaqarfinni Pilersaarutaasumik Piffissalikkamillu Aserfallatsaaliuinissamut aningaasaliissutissanik illuartitsisoqartarpoq, taakkulu INI A/S-ip nittartagaani www.ini.gl-imi pissarsiarineqarsinnaasuni allassimapput. Namminersorlutik Oqartussat siunertamut aningaasaliissutaat 2017-imi Aningaasanut Inatsimmi kontop pingarnerup 89.72.12 - Inissialiassat taartissanillu inissialiortiterneq ataani allassimapput.

Neriuppunga qulaani allaqqasuni apeqquteqaatitit akineqartut.



nussiarnersumik inuulluaqqusillunga
Simon Simonsen